

史載之方

江蘇古籍出版社



四庫未收書提要

擘經室外集卷三

史載之方二卷提要

宋史載之撰載之字里未詳是編傳本甚希此從北宋刊本依樣過錄上卷之末附載跋語其文不全宋史新編作史戰之方乃形近之譌施彥執北窗炙輿錄稱其治蔡元長疾以此得名案所作為醫總論闡發甚明各推其因證主治之法精核無遺較諸空談醫理者固有別焉

史載之方卷上

四時正脉

春

春脉弦其氣來柔軟虛而滑端直以長名之曰弦反此者病其氣來實而強名爲太過病在外其氣來不實而微此爲不及病在中太過則令人善忘忽忽胃眩巔疾不及則令人胃脘痛引背下兩脅胠滿

夏

夏脉鈎其氣來盛去衰反此者病其氣來盛去亦盛此爲太過病在外其氣來不盛去反

盛此爲不及病在中太過則令人身熱而膚
痛爲浸淫不及則令人煩心上見欬唾下爲
氣泄

秋

秋脉浮其氣來輕虛以浮其氣來急去散
故曰浮反此者病帝曰何如反其氣來毛而
中央堅而兩旁虛此謂太過病在外其氣來
毛而微此謂不及病在中太過則令人逆氣
而背痛愠愠然不及則令人喘呼吸少氣而
欬上氣見血下聞病音

冬

冬脉營其氣來沉而博故曰營反此者病其
氣來如彈石者此謂太過病在外其去如數
者此謂不及病在中太過則令人解侑脊脉
痛而少氣不欲言其不及則令人心懸如病
飢眇中清脊中痛少腹滿小便變

中

脾無善脉止見惡脉盖脾脉以和緩為主故
四時之脉雖不同春脉弦夏脉鉤秋脉毛冬
脉營皆要有脾脉若脾脉不見便是五藏真
脉見真脉見者死所以脾無善脉者謂其常
脉便是吉脉其太過不及皆爲病脉太過則

令人四肢不舉其來如水之流者太過也濕勝則然耳不及則令人九竅不通名曰重強其來如鳥之啄者不及也土不用事則然耳濕勝而其脉如流邪乃傷腎土不用事而九竅不利因受木所制木制則脾受水矣九竅不利故多生浮腫脹滿之疾久而成水

真脉

真肝脉至中外急如循刀刃青黃然如按琴瑟絃色青白不澤毛折乃死真心脉至堅而搏如循薏苡累累然色赤黑不澤毛折乃死真肺脉至大而虛如似毛羽中人膚色白赤

不澤毛折乃死

真腎脉至搏而絕如以指彈石辟辟然色黑黃不澤毛折乃死

真脾脉至弱而乍數乍踈色黃青不澤毛折乃死

厥陰所勝生病

運氣所勝

飧泄食減躰重煩冤腸鳴腹支滿甚則忽忽善怒眩胃巔疾脇痛而吐甚衝陽絕者不治
司天所勝

體重肌肉萎食減口爽目轉耳鳴胃脘當心

而痛飲食不下舌本強食則嘔殮泄腹脹澹
泄瘕水閉

在泉所勝

洒淅寒如瘧善伸數欠心痛支滿兩脇裏急
飲食不下噦咽不通食則嘔腹脹善噫得候
與氣則快然如衰身體皆重

少陰所勝生病

運勝

瘡少氣欬喘血溢泄注下噎燥耳聾耳中熱肩背熱

天勝

喘嘔寒熱嚏衄衄鼻窒甚則瘡瘍脇痛善太

息膏中煩熱噤乾右肘滿皮膚痛寒熱欬喘
唾血鼻衄溺色變瘡瘍肘腫肩背臂臑及缺
盆痛

地勝

腹中常鳴氣上衝胃喘不能久立寒熱皮膚
痛齒痛頰腫惡寒發熱如瘡少腹中痛腹大
太陰所勝生病

運勝

腹痛清厥意不樂體重煩冤肌肉萎足萎不
收行善瘕脚下痛飲發中滿食減四支不舉
腹滿溏泄腹鳴反下甚而大谿絕者不治

天勝

胷中不利陰萎氣大衰而不起不用當其時
反腰睢痛動轉不便心下否滿少腹痛時害
於食肘腫骨痛陰痺陰痺者按之不得胷脊
頭項痛時眩大便難陰氣不用飢不欲食咳
唾則有血心如懸

地勝

飲積心痛耳聾渾渾煇煇噎腫喉痺陰病血
見少腹痛腫不得小便病衝頭痛目似脫項
似拔胷似折髀不可以回膈如結喘如別
陽明所勝生病

運勝

兩脅下少腹痛目眚痛背揚耳無所聞体重煩冤脊痛引背兩脇滿且痛引少腹甚則喘逆氣咳肩背痛尻陰服膝髀踣足眚病

天勝

脇痛目赤掉振鼓慄筋痿不能久立口便變寒熱如瘧甚則心痛左肱脇痛寒清中感而瘧欬腹中鳴注泄鶩溏心脇暴痛不可反側噤乾面塵腰痛丈夫癰疝婦人少腹痛目眚皆瘍瘡瘕癰

地勝

昏病喜嘔嘔有苦太息心脇痛不能反側甚則噎乾面塵身無膏澤足外反熱

太陽所勝生病

運勝

身熱煩心躁悸陰厥上下中寒譫妄心痛甚則腹大脰腫喘欬寢汗出憎風

天勝

心熱煩噎乾善飢嚏喜悲數欠熱氣妄行善忘甚則心痛嘔血血泄飢衄善悲口口時眩仆腹滿手熱肘攣掖腫心澹澹大動膏脇胃脘不安面赤目黃善噫噎乾甚則色眊渴

而飲

地勝

少腹控臍引脊脊上衝心痛血見噎痛頷腫
口口口少陽所勝生病

天勝

欬嚏衄衄鼻塞瘍寒熱肘腫心痛胃脘痛厥逆
鬲不通熱上皮膚痛色變黃赤傳而爲水身
面肘腫腹滿仰息泄注赤白瘡瘍唾血煩心
宵中熱甚則衄衄

地勝

注泄赤白少腹痛溺赤甚則血便少陰同候

六氣復而生病

厥陰之復

少腹堅滿裏急暴痛心痛汗發嘔吐飲食不
入而復出筋骨掉眩清厥甚則入痺食痺而
吐

少陰之復

燠熱內作煩躁鼾嚏少腹絞痛火見燔燭噎
燥分汪時止氣動於左上行於右欬皮膚痛
暴痞心痛鬱胃不知人迺洒淅惡寒振慄譫
妄寒已而熱渴而欲飲少氣骨痠膈腸不便
外爲浮腫噦噫瘡瘍癰疽甚則入肺欬而鼻淵

太陰之復

體重中滿食飲不化陰氣上厥胃中不便飲
發於中欬喘有聲頭頂痛重而掉慄尤嘔而
密然唾吐清液甚則入腎竅泄無度

少陽之復

驚癰欬衄心熱煩躁便數憎風厥氣上行面
如浮埃目而睵癰少氣內發上爲口瘡嘔逆
血溢血泄發而爲瘡惡寒鼓慄寒極反熱噤
絡焦槁渴引水漿色變黃赤少氣脉萎化而
爲水傳爲浮腫甚則入肺欬而血泄

陽明之復

病生脘脇氣歸於左善太息甚則心痛否滿
腹脹而泄嘔苦欬噦煩心病在萑中頭痛甚
則入肝驚駭筋攣手

太陽之復

心胃生寒胷中不利心痛痞滿頭痛善恐時
眩仆食減腰睢反痛屈伸不便少腹控臑引
腰脊上衝心唾出清水及爲噦噫甚則入心
善忘善悲

論六氣所生之病

五行之爲病一也而所生之氣不同如木之
所至爲風化而病之生不獨止於肝火之所